

錢
學



錢穆先生全集

「新校本」

史記地名考（下）

九州出版社

目次

舊版出版說明·····

自序·····

卷一 中國與四裔·····

卷二 上古地名·····

卷三 禹貢山水名 上·····

卷四 禹貢山水名 中·····

卷五 禹貢山水名 下·····

卷六 夏殷地名·····

卷七	周地名	二五九
卷八	秦地名	二九五
卷九	齊地名	三四五
卷十	魯地名	四〇一
卷十一	晉地名	四一九
卷十二	楚地名	四五一
卷十三	魏地名	五三五
卷十四	韓地名	五九九
卷十五	趙地名	六四一
卷十六	梁宋地名	七〇七
卷十七	衛曹地名	七四九
卷十八	豫章長沙地名	七八一
卷十九	吳越地名	八〇三
卷二十	燕地名	八一九
卷二十一	關中地名	八三三

卷二十二	秦漢宮室陵廟名	八七三
卷二十三	郊祀封禪地名	九〇三
卷二十四	漢侯邑名(一)	九二五
卷二十五	漢侯邑名(二)	一〇〇三
卷二十六	漢侯邑名(三)	一〇三九
卷二十七	漢侯邑名(四)	一〇六五
卷二十八	西北邊地名	一一一七
卷二十九	匈奴北胡地名	一一七九
卷三十	西域地名	一二〇三
卷三十一	蜀地名	一二一五
卷三十二	西南夷地名	一二二五
卷三十三	南粵東越地名	一二四七
卷三十四	東胡朝鮮地名	一二六九
總目		一
索引		四七

卷十六 梁宋地名

宋

- ① 封微子於宋，以奉殷祀。（殷本紀、魯世家、宋世家。）
- ② 契為子姓，其後分封，有宋氏。（殷本紀）
- ③ 武王封殷之後於宋。（樂書、留侯世家。）
- ④ 孔子曰：「殷禮吾能言之，宋不足徵也。」（孔子世家）
- ⑤ 齊湣王與魏、楚伐滅宋，三分其地。（宋世家）
- ⑥ 外擊定陶，則魏之東外棄而大宋、方與二郡者舉矣。（楚世家）
- ⑦ 魏攻留、方與、鉅、湖陵、碭、蕭、相，故宋必盡。（春申君傳）
- ⑧ 巴俞宋蔡。（司馬相如傳）

【集解】駢案：世本曰：「宋更曰睢陽。」

【索隱】張揖曰：「禮樂記云：『宋音宴女溺志。』」（司馬相如傳）

【正義】徐州西，宋州東，兗州南，並故宋地。（春申君傳）

睢水

楚追擊至靈壁東睢水上。（項羽本紀、高祖本紀。）

【集解】徐廣曰：「睢水於彭城入泗水。」

【正義】括地志云：「睢水首受浚儀縣茭蕩水，東經取慮，入泗過郡，其西行至一千二百六十里者矣。」（項羽本紀）

〔案〕睢水在今宿縣北二十里，自河南永城縣界流入，與江蘇蕭縣接界。

睢陽

①項王降外黃，東至睢陽。（項羽本紀）

②彭越攻下睢陽、外黃十七城。（彭越傳）

③睢陽以北至穀城，皆與彭越。（項羽本紀、彭越傳。）

④灌嬰，睢陽販繒者。（灌嬰傳）

⑤ 梁孝王城守睢陽。

⑥ 廣睢陽城七十里。(梁孝王世家)

⑦ 陶、睢陽亦一都會也。(貨殖傳)

⑧ 睢陽侯。(高祖功臣侯年表)

【索隱】太康地理記云：「城方十三里，梁孝王築之。鼓倡節杵而後下和之者，稱睢陽曲。樂家有睢陽曲，蓋採其遺音也。」(梁孝王世家)

【正義】括地志云：「宋州外城本漢睢陽縣也。地理志云：「睢陽縣，故宋國也。」(項羽本紀)」
【案】故城今商邱縣南。唐張、許守一城捍天下，蔽遮江、淮，即此。

東苑

梁孝王築東苑，方三百餘里。(梁孝王世家)

【正義】括地志云：「苑(兔)園在宋州宋城縣東南十里。」

【案】梁苑在商邱縣東，一名兔園，亦名修竹園。

平臺

梁孝王廣睢陽城，大治宮室，為複道，自宮連屬於平臺五十餘里。(梁孝王世家)

【集解】徐廣曰：「睢陽有平臺里。」駟案：如淳曰：「在梁東北，離宮所在也。」晉灼曰：「或說在城中東北角。」

【索隱】按：今城東二十里臨新河，有故臺址，不甚高，俗云平臺，又一名修竹院。西京雜記云：「有落猿巖、覺洲、鴈渚，連亘七十餘里」，是也。

〔案〕今商邱縣東北十七里有平臺集，接虞城界。

橫陽

①韓諸公子橫陽君成。（留侯世家、韓王信傳。）

②傅寬起橫陽。（高祖功臣侯年表、傅寬傳。）

【正義】括地志云：「故橫城在宋州宋城縣西南三十里，按蓋橫陽也。」（傅寬傳）

〔案〕今商邱縣西南；春秋宋邑，見左昭二十一。

孟

襄公十二，諸侯會宋公盟于孟。（宋世家、楚世家。）

【集解】杜預曰：「孟，宋地。」（宋世家）

〔案〕今河南葵丘縣有孟亭。

首止

齊襄公會諸侯於首止。（鄭世家）

【集解】服虔曰：「首止，近鄭之地。」杜預曰：「首止，衛地。陳留襄邑縣東南有首鄉。」
〔案〕今葵丘縣東南。

鹿上

襄公十二年，為鹿上之盟。（宋世家）

【集解】杜預曰：「鹿上，宋地。汝陰有原鹿縣。」

【索隱】按：汝陰原鹿，其地在楚，僖二十一年：「宋人、楚人、齊人盟于鹿上」，是也。然襄公求諸侯于楚，楚纔許之，計未合至汝陰鹿上。今濟陰乘氏縣北有鹿城，蓋此地也。

〔案〕原鹿，今安徽阜陽縣南，在宋西南，較濟陰乘氏為近是。然左成十六：「晉侵陳，至鳴鹿」，注：「武平縣西南有鹿邑。」水經注：「過水東逕鹿邑城北。」故城今河南鹿邑縣西。以地望覈之，恐鹿上即鳴鹿。

泓

- ① 宋襄十三，伐鄭。楚救鄭，宋敗於泓。（十二諸侯年表、宋世家、楚世家。）
- ② 襄公傷於泓。（自序）

【集解】駟案：穀梁傳曰：「戰于泓水之上。」（宋世家）

〔案〕古泓水，今柘城縣西渙水支流也。

太丘

- ① 秦惠文二，宋太丘社亡。（六國表）

- ② 或曰宋太丘社亡，而鼎沒於泗水彭城下。（封禪書）

【集解】駟案：爾雅曰：「古（右）陵，太丘。」

【索隱】郭璞云：「宋有太丘社。」以社名此地也。（封禪書）

〔案〕左襄元：「鄭侵宋，取犬丘（太丘）。」漢置敬丘縣，後漢曰太丘，今河南永城縣西北三十里。

建成

- ① 曹參號建成君。

- ② 封參為建成侯。（曹相國世家）

【索隱】地理志成縣屬沛郡。

〔案〕今河南永城縣東南。

栗

①章邯軍至栗。(項羽本紀)

②秦二世三年十月，沛公攻破東郡尉及王離軍於武城南。十二月，救趙至栗。(秦楚之際月表)

③定魏地。攻爰戚、東繒，以往至栗。(絳侯世家)

④沛公遇彭越昌邑，俱攻秦軍，不利，還至栗。(高祖本紀)

【集解】徐廣曰：「縣名，在沛。」(項羽本紀)

【索隱】韋昭云：「縣名，屬沛。」(高祖本紀)

〔案〕今河南夏邑縣治。

湖陵 胡陵

①魏攻留、方與、銓、湖陵、碭、蕭、相，故宋必盡。(春申君傳)

②項梁追秦嘉，軍胡陵。

③項王南從魯出胡陵。(項羽本紀)

④ 沛公收沛子弟，攻胡陵、方與。（高祖本紀、曹相國世家。）

⑤ 圍項籍於陳，大破之。屠胡陵。（樊鄴滕灌傳）

⑥ 呂祿封胡陵侯。（呂后本紀、高祖功臣侯年表。）

【集解】鄧展曰：「胡陵，縣名，屬山陽。漢章帝改曰胡陸。」（項羽本紀。案：「縣名」二字據呂后本紀正義增。）

【正義】胡陵在方與南。（曹相國世家）又：在兗州南。（樊鄴滕灌傳）

〔案〕今山東魚臺縣東南六十里。

方與

① 魏攻留、方與、銓、湖陵、碭、蕭、相，故宋必盡。（春申君傳）

② 外擊定陶，則魏之東外棄而大宋、方與二郡者舉矣。（楚世家）

③ 秦嘉引兵之方與，欲擊秦軍定陶下。（陳涉世家）

④ 沛公攻胡陵、方與。（高祖本紀、曹相國世家。）

【集解】屬山陽郡。

【正義】方與，兗州縣也。

〔案〕今山東魚臺縣北，春秋宋邑。

徐州

① 海岱及淮維徐州。(夏本紀)

② 奎、婁、胃，徐州。(天官書)

【集解】孔安國曰：「東至海，北至岱，南及淮。」

〔案〕爾雅：「濟東曰徐州。」蔡氏書傳謂：「岱陽濟東為徐州。」杜氏通典謂：「在天文，魯之分野，兼得宋、齊、吳之交。」今考徐州得名，當本徐戎徐國。春秋徐在今安徽泗縣，戰國徐在今山東滕縣。今日「海岱及淮維徐州」，明係戰國後起之說。

徐

① 徐偃王作亂。(秦本紀、趙世家。)

② 楚靈十一，伐徐以恐吳，次乾谿。(十二諸侯年表、楚世家。)

③ 季札北過徐，還，解劍繫之徐君冢樹而去。(吳世家)

④ 楚發兵與戰徐、僮間。(黥布傳)

⑤ 徐、僮、取慮，則清刻，矜己諾。

⑥ 東楚俗類徐、僮。(貨殖傳)

【集解】駟案：地理志曰臨淮有徐縣，云故徐國。

【正義】括地志云：「大徐城在泗州徐城縣北三十里，（黠布傳作「四十里」。）古徐國也。（秦本紀）又云：「徐君廟在泗州徐城縣西南一里，即延陵季子掛劍之徐君也。」（吳世家）

〔案〕徐縣故城，今安徽泗縣西北。尚書：「淮夷、徐戎並興。」春秋魯昭三十：「吳滅徐，徐子章禹奔楚。」

徐

①秦後分封有徐氏。（秦本紀）

②齊桓公夫人徐姬。（齊世家）

【索隱】系本徐，嬴姓。禮，婦人稱國及姓，今此言「徐姬」者，姬是眾妾之總稱，未必盡是姓。

〔案〕下有晏孺子母芮姬，又稱芮子。

徐戎

①我甲戌築而征徐戎。

②遂平徐戎，定魯。（魯世家）

【集解】孔安國曰：「淮浦之夷，徐州之戎，並起為寇。」

徐州

①句踐以兵北渡淮，與齊、晉諸侯會於徐州。

②楚威王北破齊於徐州。（越世家、田齊世家。）

③魏襄元，齊宣九，與諸侯會徐州，相王。（六國表、魏世家、田齊世家、孟嘗君傳。）

④明年，楚圍齊徐州。（六國表、楚世家。）

⑤楚伐魯，取徐州。（魯世家）

【集解】春秋作「舒州」。賈逵曰：「陳氏邑也。」（齊世家）徐廣曰：「徐州在魯東，今薛縣。」（魯世家）

【索隱】「徐」音「舒」，其字從「人」。左氏作「舒」。說文作「郟」。說文：「郟，郟之下邑，在魯東。」又郡國志曰：「魯國薛縣，六國時曰徐州。」又紀年云：「梁惠王三十一年，（孟嘗君傳正義引作「三十年」。）下邳遷于薛，故（孟嘗君傳正義作「改」。）名曰徐州。」則「徐」與「郟」並音「舒」。（魯世家）

【案】今山東滕縣東南四十四里。

徐州

①田常執簡公於徐州。（齊世家、魯世家、田齊世家。）

②吾吏有黔夫者，使守徐州，則燕人祭北門，趙人祭西門。（田齊世家）

【正義】齊之西北界上地名，在勃海郡東平（舒）縣也。（田齊世家）

〔案〕竹書紀年薛稱徐州，乃戰國時事。田恆放其君，宜在齊境，豈肯遠置邾、魯之間？且其時滕、薛尚未滅；當依正義。東平舒，今河北大城縣治。漢時無棣、東平舒並屬渤海，蓋齊之極北境也。

徐

①悼襄三，攻徐取饒安。

②王遷五，代地大動，自樂徐以西，北至平陰。（趙世家）

〔案〕今河北安肅縣東，有古徐縣城。

臨淮

孔安國為臨淮太守。（孔子世家）